

# INUIT ATAQATIGIIT

## INATSISARTUNI



22. Februar 2023

Inatsisartut Suleriaasianni § 37 naapertorlugu Naalakkersuisunut apeqquut imattoq matumuuna saqqummiuppara.

### Naalakkersuisunut apeqquut:

1. Royal Arctic Line-p nunaqarfinnut umiarsuaaqqani assartuutaanni nutaanni Kalaallit Nunaanni najugaqavissut inuttat qanoq amerlatigippat?
2. Royal Arctic Line-p nunaqarfinnut assartuutaanni umiarsuaaqqani pisoqqani atorneqarsimasuni Kalaallit Nunaanni najugaqavissut inuttaq qanoq amerlatigismappat?
  - A) Angallatit taarsersornerisa kingorna Kalaallit umiarsuaaqqani naalakkatut, aquttutullu atorsimasanut nutaanik umiarsuarartaarnermi piginnaasaatut piumasaqaataasut inorsaatilerpat?
  - B) Taamaasimappat suna pissutaava?
  - C) Umiarsuit nutaanngitsut taarsernissaat pilersaarusruneqalermat, umiarsuarnik ingerlatsisinnaanermut piumasaqaatit allangussasut ilisimaneqarpoq
    - i. Aappiuppat, inuttat piareersarniarlugit qanoq iliortoqarnikuua?
  - D) Piffissaagallartillugu umiarsuaaqyanut nutaannut umiarsuaaqqani inuttaareersut sulisinnaaangorsarneqarnissaat sulissutigineqarsimava?
3. Ilumoorpa Nunaqarfinnut pajuttaatut nutaat pigilernerini Kalaallinut umiartortunik siuliini atorfigisimasaanniit appasinnerusumut (Umiarsuup naalagaannit, Matros-itut) inissiisarsimasut maannalu qallunaannit umiarsuaaqqat naalagalersorneqarsimasut?
  - A) Ilumoorsimappat atofiiit qassit uani taamaaliorfigineqarpat?
  - B) Umiarsuarnik nunaqarfinnut assartutinik ingerlatsisinnaanermut piumasaqaatinik inuttat piareersarnissaannut Royal Arctic Line periarfissaqarnikuua?
  - C) Inuttat piareersarneqarsimanngippata, tamassumunnga suna pissutaava?
4. Royal Arctic Line-mi nunaqarfinnut umiarsuarni inuttat qanga paasitinneqarpat umiarsuarni nutaani atorfigisimasaminni atoqqissinnaanngitsut?

(Inatsisartunut Ilaasortaq Mariane Paviaisen, Inuit Ataqatigiit)

### Tunngavilersuut:

Royal Arctic line-p nunaqarfiartaatini inuttaasut umiarsuaaqqanik nutaanik taarsiinermi paasitineqqarsimapput ilaatigut ilinniakkaminnik allagartatigut naammattumik peqarunnaarsimasut, taamaammallu ilinniaqqeqquneqarsimasunik ilaatigullu atorfinnut allanut akissarsiakinnerusunut nuunneqarnissaannik neqeroorfigineqarsimallutik, taamaaliunngikkunik suliunnaaqquneqarlutik.

Kissaatigaara apeqquutikkat suliffiit ullut qulit iluanni akineqassasut.